

清陰集

卅一

内閣文庫			
番號	漢	17816	
冊數	38 ( 31 )		
函號	集	135	1





清陰先生集卷之三十三

墓誌銘 九首

進士金君墓誌銘 并序

天啓三年癸亥二月乙丑成均進士金君卒于禮  
安縣西村之居第春秋五十七既殯有日其堂弟  
繼賢書赴于總兄弟尚憲畿內守制之練聖室復  
以其孤鳴遠之意告葬期而求壙銘乃位而哭之  
如禮復書且慰其孤而辭銘焉後五月繼賢重以  
書來曰以山之有忌也葬踰期延卜于遠日敢申  
前請嗚呼銘將以傳後言之傳以愛其文必欲文



之非今日所宜為也顧其情終不忍不言遂收涕而為之質言君諱繼宗字孝叔安東人安東之金由我鼻祖太師公始後世言華胄者必稱首焉子孫蕃衍散居仕者于京處者于鄉君考諱顯祖諱生溟曾祖諱珣三世居鄉不仕與尚憲同出于高祖掌令府君府君諱永鉢自府君以下至尚憲四世仕宦于京以此吾冠後十年始與君相見其貌癯而古也其言疏而達也曾次坦夷而無畦畛也衣冠朴野而不修飾也多稱人之美而略于過時有同宗兄九潭金允士悅亦居于安東寬厚豁達

有長者風月朝無異評吾嘗意二兄人物行第俱伯叔也歲戊午某避地安東君數來訪留連敘述忘日夜於是益聞所未聞君在腹父棄世既生善病不自立八歲忽問父所在家人佯對以觀之涕泣求問不已遂指其墓處君請具往奠伏哭墓側終日不去適大雪獨與一童負躬掃除塋域自後每往省視哀慕如一父黨柳西厓成龍聞而亟稱之曰金某有子矣君少失學及長自厲讀書遭世亂輟業竟不如其志年四十始名進士入上庠已退歸鄉里教訓諸子不復就公車家素貧至君愈



削鄉先生有欲列君行誼薦于朝官之未果臨終遺命儉葬戒諸子曰處身至難爾等勉之求做好人勿作庸鄙事鄉里吊者相告語曰善人亡矣以是年某月某日葬于縣北伸義谷乙向之原君娶某郡某氏生三男一女男長鳴遠生負進學不已次震遠出後九潭君嘗學於余頗有才季聲遠女適生負琴尚絃生二男時出時發嗚呼君視九潭君又何社哉銘曰

族之華兮家則寒身之卑兮行則尊壽又不多天何慙畜社不享歸羸後昆而箴之儉而俾體安千秋萬禩兮其永無艱

坡平尹公配慶夫人合葬墓誌銘并序

公諱昌世字興伯姓尹氏坡平人高麗太祖三韓功臣莘達之後肅宗時有文武大臣曰瓘平戎拓地建不世之功封鈴平縣開國伯謚文肅子曰彥頤政堂文學由政堂以下趾美襲慶世有其人有諱坤事我太宗錄佐命功封坡平君七世祖也曾祖諱倬明經好學為大司成十餘年成就弟子甚多薦紳大夫至今稱道之不衰祖諱先智忠清道兵馬節度使恂恂有儒者風考諱暉以世功補



忠義衛階振威將軍配曰淑人文化柳氏通政大夫淵之女府院君亮之玄孫以嘉靖癸卯生公年十八娶同知中樞府事慶渾女生五丈夫子女子二人蚤習舉子業屢舉不遂年五十遭壬辰之亂以布衣奮義糾集鄉兵討賊于湖嶺之隘明年春以疾卒于軍實萬曆癸巳三月也其年十月卜葬于己山縣先地辛向之原公歿之後長男燧次男煌次男烜繼擢文科遂歷諸曹郎終竹州府使煌由侍從臺諫薦為議政府舍人有令名方以遠大期烜司憲府持平次男燾中司馬為戶曹佐郎

燧未仕長女婚朴謹次女婚宋熙祚金吾郎於是君子謂福善之道果不替也尚憲少時竊聞長老言公內行純備孝於親信於朋友惠於宗族鄉黨修之身而不求知於人及讀其家狀如所聞焉最狀公資稟粹美內和順而翼翼其容有深愛於父母父母居尼山命學于京城不忍久違一歲中率半留半歸侍年二十九遭母喪母病不時求西瓜不得終身不忍食西瓜後值父病醫言龜肉可愈疾方冬出野至誠祈覓忽遇羣龜聚首負冰取以進之病亟又斷手指進血得少甦人以為孝感所



致疾竟不起哀感踰禮三年廬于墓下祭具非躬  
泣而手執者不薦塋域之內一土一木無不自致  
力焉盡捐家財列石飾墓道極盡其制無纖毫遺  
憾然後已待庶母終不失其意使易鑿為誅人尤  
以為難至於父母所愛畜生皆視之有恩毋舅蚤  
世無子舅妻倚公為託生養之如母死祭之如生  
焉好法文公家禮每晨起謁祠堂祭祀致敬不過  
時時節必歸拜墳墓寒暑不輟治家有法豐而不  
侈節而不畜待賓客親疏各當其道無衣食者資  
給之有喪者以財救之喪馬服用與人共弊有知

識因亂奉母來歸者館之其母死又棺歛殯而畢  
葬焉其人曰校鄉里列其行薦于有司而未及用  
其過難也慷慨為一縣倡約同志分遣告諭旁邑  
爭赴集以誓滅此賊母負吾王八字揭之于旗時  
號八字軍從之者愈眾眾推公為首公不居讓於  
冒兵事者主其軍而公實籌策之暨勦賊有鹵獲  
具聞行在公絕不自宣由是朝廷莫有知其  
功也無何主軍者遽癘疫公親自救藥或勸宜少  
避公曰既誓同死生見其危而棄去吾不忍也其  
人愈而公病始病遇忌日設位哭如喪病遂篤以



卒嗚呼公之德宜顯於世宜施於政宜澤於民而  
卒不能揚庭策名展其所蘊而齋志沒地以遺其  
後福以與其嗣胤以光紹其先烈豈天意歟豈天  
意歟慶夫人系出清州高麗侍中復興之後生于  
嘉靖乙巳至天啓甲子七月卒于京城南舍人第  
是年九月歸柩于尼山公墓之右自幼聰明婉孌  
於婦道無所不宜以順以慈婦母母人謂諸子  
樹立夫人教誨之力為多兩羨合德宜其有後也  
府使娶牧使李玄培女無子以弟之子為子舍人  
娶牛溪先生成渾女生五男一女男曰勳舉別是

曰舜舉即後府使者也曰商舉曰文舉曰宣舉女  
適李正興側室生三男一女並幼持平娶庶尹海  
平尹皖女生三男一女男曰元舉曰仲舉曰叔舉  
女適宋時瑩佐郎娶僉知南原尹祁女生五男四  
女男曰雲舉曰鴻舉曰溟舉女適南原尹衡覺餘  
幼姪娶水使洪昌世女未育曾孫乃女共若干人  
銘曰

用之行之誰使之張歛之蓄之誰使之截何闕於  
身而後之彰昭哉天道孰云茫茫爾類永錫彌久  
彌長佳城鬱鬱卜云其城叔度為銘長夜之光



洞隱先生李公墓誌銘并序

洞隱先生之葬無壙銘於九年其兄孫丹陽郡守厚源以狀抵尚憲請為銘嗚呼古人銘林宗不愧先生今之林宗矧吾先友詔其敢辭謹按先生諱義捷字宜仲洞隱其號也五代祖璵始封廣平大君我世宗第五子廣平生永順君溥賢而才有河間東平之美永順生清安君嶸清安生定安副正千壽九歲以善喪聞定安生白川郡守漢娶鷄林君崔漢洪女生二子先生其季也天資怡澹冲雅儀表玉立力學自修不事科業不慕仕宦年三

十二始以大夫夫人命赴試中甲子進士諸公多薦者累下除命不就晚為敦寧府直長黽勉暫出親歿不復仕事母孝母病思銀魚不得終身不食銀魚內外皆琮璜鐘鼎之世貨貨頗足以先生之好施也孤孀貧窮日有來叩者隨即傾副不問有亡家用缺必市買不求諸人或有所餽者非其人與義不納喜客不喜辭費但示烟榻而已一時之人無賢愚清濁老少樂與之游退而若有所得對眾舉善必曰李君李君人無異辭然人有違行誨責之不改則已之第中別構小齋植梅竹列圖書焚香



靜坐鳴琴詠詩與先生接者自不萌鄙俗之心少  
時與朋友各言所志先生言結屋深山中樹樊包  
澗雪後萬徑俱絕閉門高卧此至樂也聞者暑月  
若懷冰焉好游名山水探歷不倦遇會心處輒留  
戀吟嘯樂而忘返小築在白雲山往來僦佯以寄  
蕭散之懷足不蹈利勢之塗雖平生故人方居要  
路亦不往詩學唐書學二王清婉端勁如其人品  
思菴朴相淳願菴宋公寅雅愛重之李文成公珥  
牛溪成先生渾松江鄭相澈月汀尹公根壽守菴  
朴技華古玉鄭磻皆與之友善牛溪松江尤為莫

送交成謂黃憲徐穉再出後來如白沙李相恒福  
象村申相欽月沙李相廷龜無不譽也傾嚮至庚  
戌歲白沙相請擢用以礪衰俗起授工曹佐郎又  
陞正郎竟不拜先生生於嘉靖癸巳卒於天啓辛  
酉壽八十有九其年十二月葬廣州治西光秀山  
午向之原自廣平至白川俱葬是先生娶敦寧府  
都正坡平尹琮女無子勸之立後曰兄有一子承  
先人祀舍此則求功總之屬也豈若託兄子而拊  
食於吾祖吾父之為安也孝友之性蓋如此云嗚  
呼先生之風為人所景慕者至今愈盛有以也夫



銘曰

光秀之原有埋幽石云誰之藏其人如玉

知敦寧府事趙公墓誌銘并序

公姓趙氏諱存性字守初自號鼎谷亦曰龍湖遠祖岑高麗判中樞院事始籍于揚州之漢陽縣遂為顯望入我朝有諱末生以杜元連中重試歷事太宗世宗罷遇郅隆國有大事必咨決焉官至領中樞院事集賢殿大提學卒謚文剛四傳至諱邦佐敦寧府參奉贈兵曹判書於公為曾祖也諱俊秀龍仁縣令祖也諱掣贈吏曹判書考也

吏判公出後同宗以贈吏曹參判連孫為考以漢川尉無疆為祖參判以下之贈由公貴也文剛之後世襲冠冕而公之從祖彥秀士秀並名卿顯重漢川公禁鬻尊貴門戶煇赫時稱其鍾羨吏判公聰敏好學風度夙茂李處士夢奎有賢女擇配一見心嚮以女歸之嘉靖甲寅正月癸亥生公廣顙大耳啼甚雄判書喜曰吾病恐無以嗣先業今兒異家必不替也九月而判書公不幸李夫人教養無至纔有知語及子母孤孑輒怛然悲泣與羣兒慶游戲不凡見者知其遠到甫齒始授書十二赴



賈舍偕諸生講書主試者見公尚幼欲觀其所應  
故斬之曰乳臭兒亦能講耶公從容即席舉止無  
忤開卷朗讀講義明白座皆驚異歎賞稍長業日  
進所與交無非賢豪間入李相國恒福辛叅判慶  
晉尤見重焉癸酉中司馬明年就學于坡山成牛  
溪先生先生器遇之嘗游守庵朴枝華所朴號墜  
識昏許可獨稱趙某胸中自有經世大志公益自  
奮勵讀書過瘁杜門治病十年許每太學諸生有  
論議就公詢訪庚寅擢文科即薦授藝文館檢閱  
辛卯陞待教自己丑送變之後脩甌者以治獄大

臣為宰從暗中媒孽首擠鄭左相澈竄西裔因指  
為黨人盡逐一時士流公亦坐罷壬辰為長子娶  
婦往閩西聞倭寇猝至徑路馳歸乘輿已西幸  
矣公素無兄弟大夫人獨在家倉猝出避不知其  
處徧尋東道山谷中相遇時賊已入京城西路阻  
梗遂轉向湖右託大夫人於舅氏癸巳二月浮海  
達行在上疏陳情宣廟召見慰諭陞奉教  
命往湖南抽視名山史箴未還例遷成均館典籍  
轉禮曹佐郎拜司諫院正言大駕移駐永柔公  
復命入對南方郡邑月月有所進轉輸之艱倍



於轉餉當今八路塗炭 國命如綫政宜除不急  
之貢罷無名之獻專意撫摩瘡痍討賊興復仍陳  
軍計便宜上嘉納即命有司量減貢獻顧司馬長  
曰此言可底用與大臣議行之公又言臣入海西  
界後宮奴擊傷人至死吏不敢問道路傳言籍籍  
此豈殿下所知者然未必非教飭無素也因論官  
闡不嚴十數事言甚剴切左右聞者縮頸尋適正  
言授典籍秋充冬至使書狀官兼司憲府監察如  
京師明年春還陞拜直講先是 中朝嚴禁硝磺  
屢請不許兵部尚書石星主東事有撤兵議事將

甚重遴遣使价凡三易擬而公卒膺 命至則會  
使臣病甌公見石尚書指陳賊可破狀旋師非計  
且言小邦守國保境寔修藩職 皇朝何惜禦敵  
之用以示不廣尚書改容稱是心偉之問庚多火  
語舌官曰藩國有人何憂賊不破即奏留師頒硝  
黃八萬餘斤降 勅褒諭 上嘉之故有是命夏  
以本官為郎撫軍司隨分朝于全慶地方體察使  
尹相國斗壽引為從事冬拜戶曹正郎往牙山監  
督湖西田稅自亂後漕司不得人運道不繼度支  
數告匱會有薦者授公三道海運判官及視篆設



便宜法未數月漕稅滿已前三年逋額益著能名  
瓜端再予一期丁酉秋坐事罷未久用大臣薦起  
家拜通禮院贊儀督運御史赴西關時西民困蜚  
輓天朝運餉到我境多滯天將怒之軍興公日  
夜驅馳前後運解四十餘萬斛卒以濟事戊戌授  
奉常寺僉正以病不拜自癸巳後不樂在朝退居  
田舍優游自佚辛丑復拜直講一時士論謂公前  
以直屈宜置邇列風教言士而才公者又欲畀大  
州府以盡其能累薦皆不獲秋陞內資寺正出為  
江華府使撫民節用公私俱足權貴有求於公而

不售者嗾諫官論罷公去而名績愈彰公議譁然  
以為誣罔論者媿悔謝服癸卯由成均館司藝進  
司成甲辰正月以御史出湖南括民隱田正田下  
賦上者還除揚州牧使有墓地城獲援法不赴俄  
改忠州州居四衝創兵甚民未復業公至首陳逋  
負徵責之害宣廟命蠲之民多賴焉乙巳正月  
遭內艱丁未服闋拜瑞山郡守戊申先海即位明  
年春瀕海患島寇易以武弁公見代在郡三年節  
縮浮費盡實其廩之空虛者儲剝至數千石或勸  
公宜報上司知之公笑曰吾豈徵賞者也只填官



簿足矣九月拜掌樂院正兼春秋編修官光海初  
政振拔淹滯銓部以公久困積薪每臺省注擬置  
諸高選而御批下率越公用他人議者竊恠之至  
三年庚戌乃除正言公前去是職已十有八年入  
有為言者公曰吾所懼不稱職崇屏安敢計乎公  
先在江華客有習於公者自以東宮掖庭意求施  
僧川叔公正言責之客慚而退至是人頗知其故公  
終不自宣光海論道事母公據禮力諍重忤視  
職前後居諫垣皆以言去人多之秋授東萊府使  
進階通政大臣薦之也策有使館接應歸輸之地

嶺以南州縣管轄聽財一失之苛緩其言不貲公  
至一切斤斤守法削濫責之數防塞暗洩明其出  
入費省而用給觀察使善而後其言一道稱惠倭  
性毒巧細善覘人公待之有體頗得其心服一日  
設享小酋慕公欲有所獻至罷酒竟不敢言見嚴  
如此云辛亥病遶西叙護軍李領相德馨知公饒  
幹局累推轂卒未見用壬子夏錄全慶羈勒勞進  
階嘉善秋充冬至使朝京賀節癸丑還未幾朴應  
犀誣告獄起奸臣嗾誣公卿名士數十人公亦被  
逮已而釋黜屏居龍湖亭舍閱圖籍玩琴棋夷然



若無事者及廢母論發不欲在近郊乃歸湖西舊  
 庄辛酉赦西叙護軍壬戌有司建罷海運判官遣  
 特使難其人以公已事薦者遂充海運使借之  
 重權許自辟其屬公辭不獲往兩湖船穀數萬石  
 未解聞 國家反正請解使職入覲今 上下教  
 曰此時軍餉最重卿其勿辭敬哉四月拜刑曹參  
 判公疏舉民瘼語中時病 上稱善轉戶曹參判  
 召還兼同知義禁府事適有上變者獄訖進嘉義  
 冬除松都留守不拜改同知敦寧府事兼五衛都  
 摠府副摠管甲子正月復有松都之命未赴遂造

叛兵且逼 上南幸改授戶曹參判李曙兵敗六  
 或言其死即拜公京畿觀察使代曙曙出仍 命  
 公為檢察使扈從公州适誅 上還都賞從臣進  
 資憲大夫知中樞府事入者老杜典故壽爵俱尊  
 者得與是會於是人益推公為大福秋出為江原  
 道觀察使本職如故臺臣有惜其去者啓留之議  
 不行公曰吾老矣常恨報國無階今幸受命專一  
 面職是巡宣其敢自安逸乎親歷險阻問民疾苦  
 多所蠲除墨吏持與援自恣者責成居間不聽竟  
 置下考列郡聞風內戢亡何勞病不任職章三上



得遠還朝微事坐罷冬西叔護軍尋知敦寧丁卯  
 正月西虜大舉兵驟入旬日間至平山 上奉宗  
 社移駐江都 命公分長度支隨 世子往全州  
 公已瘁見者皆以為憂而未嘗辭病殫精調度  
 士無告飢三月賊退復隨 世子入江都 上回  
 鑿公留衛 三宮五月還京疾轉劇在牀第者幾  
 一年子弟請請醫視方益治良劑公却之曰人生七  
 十五強進瞑眩復冀時月之延非達人也至明年  
 六月二十七日丙辰卒計開 上輟朝吊祭賻如  
 儀公資稟厚重器量峻偉中身羨髯望之儼然即

之坦然智慮周物揣事懸合言語忠實絕矯偽之  
 習居家簡嚴晨起靜處一室無疾言無惰容左右  
 不可而措內外肅然如朝廷自痛蚤孤事大夫人  
 盡致養之道不毀之年遭喪中禮人以為難一姊  
 既歸而亡待其婚如姊生甥畜其後婦子祭姊者  
 分與戒獲親戚之貧無依者資給而教育之常曰  
 朋友有故可絕宗族有過則晉誨之俾不至惡此  
 恩義之分也訓子孫修飭內行不尚文華見人非  
 義直規之無隱於所好欣然壘壘傾倒至終身不  
 貳自守甚確任言責抗直不顧其治郡不以毀譽



為勤制豪強伏奸猾與帶捕弊一意奉公公家之物雖小不輕以與人再使燕視豪裝其還如往時居某日有獻日本研者亦不受然未嘗自喜為皎皎白以此獲其長者夫人李氏龍仁世族江原都事蓋忘之女生與公同年月七歲而業女紅十歲而人事備十七而歸于公壺闈自整父母兄弟親戚姻婭俱驩然而蘇壬辰公適西未歸夫人侍姑避賊詣廟泣告故奉主橐而負侍者曰豈若埋之夫人曰死則死三不可舍去又曰盍與人任曰惡可託人而自遠公奔問行在遇姑病篤

晝夜侍疾不少懈病已乃復常其德行懿美具載玄軒申相國狀中夫人初難子後舉五丈夫女子三人婚嫁者四餘並夫男長宗遠娶庶尹金希秀女生一女先公歿次昌遠縣監娶大司諫崔鐵堅女生一男三女次啓遠文科佐郎娶領議政文貞公申欽文適監察朴徹生一女亦先歿縣監之男曰胤錫佐郎之男曰晉錫龜錫禧錫內外諸孫共若干人丁未十月一日以疾卒葬揚州治東金村里舅判書公墓前乙坐之原公之即遠也用術人言權寔于次岡至今年正月丙寅穿夫人塚右



而同坐焉尚憲後公二十六年生公之中兩科與仲父暨伯兄先後同年又與先君子厚契乃折行輩亦呼尚憲為少友往來通家三紀于茲公之政事言行親見而聞者蓋多而不敢自贊謹綴其家乘所載載石而納之窆嗚呼其能不朽公耶銘曰業先羸只位身榮只壽考康只子孫昌只吁嗟光只金村之岡啟土燥剛是為公之藏萬禩無殃

贈貞夫人完山李氏墓誌銘 并序

故山陰縣監金大賢妻令人完山李氏墓在醴泉郡廣石山某向之原舅掌隸院司諫某後與山陰

公墓對岡其卒在天啓丙寅二月某日葬在是年

四月某日明年丁卯長男奉祖使弟榮祖具狀請

於山陰公中表弟安東金尚憲為之誌按夫人我

太宗恭定大王八代孫龍岡縣令 贈吏曹判書

某曾祖也全州府尹梅祖也忠義衛修義副尉續

金考也修義公娶於鄭氏鄭氏之母曰申夫人吏

曹判書公濟之女也以嘉靖乙卯生夫人八歲鄭

氏歿申夫人鞠於家愛其端莊警敏為擇佳婿嫁

時年十五於婦道無不宜司議公素亢厲少許可

於夫人每稱佳婦尚憲少學於山陰公得出入閨



閩如親昆弟見夫人日晨興命灑掃室堂庭廡自  
枕簟器用悉整齊方列使婢僕不聞罵詈褻言語  
子女幼者畢盥櫛正衣服不見驕惰無禮家屢空  
或至假貸然後舉火常自裕如不使山陰公知祭  
祀必敬而時親戚隣里有無異同其赴山陰也愈  
飭勵壺政常用有獄賄者夫人正言斥之裏外肅  
然公終以清名著人謂有陰助焉公卒諸子尚多  
幼少夫人辛勤教養以慈以嚴卒能成就遇有  
恩慶子姓兄弟俱服服列拜堂下桂林崑玉輝映  
成行瑤環瑜珥擁立左右鄉里觀者嘖嘖稱歎公

有妾女子母賤將為人役公歿後夫人捐貲贖而  
嫁之又業公庶弟尤貧困及孤姪之無依歸者數  
人而家之奴有異主兄弟怨望者誅奴俱亡奴本  
無意亡至勢不可已曰忍負我大夫人哉涕泣乃  
去其慈惠所及如此長男為丹城縣監丹舊屬山  
陰夫人曰此汝父桐鄉汝其母忝常以此訓誡丹  
人迄有兩世之愛乙丑將赴湖南之益山夫人集  
子婦諸女曰吾以貧故就養與汝等分隔臨年遠  
行豈吾所樂願吾湖南人雖死死吾土亦吾心也  
遂噫噓而別至其年八月遇疾七閱月而甦竟不



起壽七十有二諸子備禮歸葬噫夫人慧心靈性  
 豈有所先知者耶亦異哉夫人有九男三女男曰  
 奉祖司憲府持平曰榮祖弘文校理今為吉州牧  
 使即狀夫人之行者曰昌祖敬陵參奉曰慶祖  
 生負曰延祖承文院正字曰應祖兵曹正郎曰念  
 祖鄉秀才曰述祖又曰崇祖進士女長適李義遵  
 司饗院參奉次適張友程次適金起秋內外曾孫  
 男女一百一十一人別有子孫錄後崇祖繼登文  
 科為承政院注書故事五子登科者褒榮其父母  
 於是 贈山陰公吏曹參判夫人之封如其秩

遣官致祭焉 國朝二百餘年一母所乳五丈夫  
 子成大科者屢屢見之而或間以武藝至於俱用  
 文詞進 聯行接武並入臺省如夫人之子者尤所  
 罕聞嗚呼盛哉觀於夫人之德福善之道豈誣也  
 哉銘曰

於惟夫人為女女為婦婦為母母宜有九男三女  
 百孫以享其祉之厚嗚呼銘與石而悠久  
 价川郡守沈公墓誌銘 并序

沈公士訥蚤有名長安中憲少時聞其有氣槩踈  
 財好義固已心嚮之逮登朝始與相見認為三從



中表弟呼我而呼先君為叔自後相得甚驩有忘  
年之契歲戊午憲居戚公亦棄世宿草不哭永負  
幽明之為恨也粵十四年庚午公之胤倏隳以家  
狀屬余曰先人壙銘尚闕將無以責幽堂請子之  
圖之也憲誼不可辭謹按公諱宗敏士訥其字也  
系出青松遠祖德符高麗侍中青城伯傳世至諱  
安仁慶尚右道兵馬節度使 贈兵曹參判高祖  
也曾祖諱濱安城郡守 贈吏曹判書祖諱光  
議政府左參贊考諱錦司憲府監察長驪與開  
郡守希說安驪川尉子芳孫也生公於嘉靖甲寅

某月踰十歲連喪二親持制若成人參贊公愍而  
愛之命仲子進士鎬曰此兒孝可後汝進士公遂  
子之稍長器貌寬偉發言處事循循然法家矩度  
參贊公親自提誨動引趙靜庵使為表準公心竊  
慕之刮去純袴習就楊庵金謹恭受小學家禮諸  
書又遊閔幸村成牛溪門下二先生皆許與勉進  
焉公趨向既定藝業益進中丙子司馬壬午遭本  
生後母喪喪畢兄弟從俗分異公自以身承所後  
家業讓不受分己丑除北部參奉不拜進士公疾  
革日夜侍側不辭帶者累月有古孝子所難行者



進士公謂人曰此子能如此吾豈恨無兒乎及歿  
 執喪一如家禮母金夫人憂其過毀常加調護賴  
 以獲全進士公有側室子性豎難得意公與之同  
 居推誠體卹卒以善化宗黨咸歸羨焉壬辰之亂  
 公奉金夫人避兵山林倉卒身自背負數經困苦  
 歛口之味未嘗之絕轉入閩西行在投造紙署  
 別提檢察使崔公滉引為從事崔素貴倨少許可  
 又故事重臣幕僚匪由文塗進者不輕辟而知公  
 饒幹局行中事無鉅細悉委之果稱職辨乙未丁  
 金夫人憂服闋授義禁寺都事滿遷繕工監直長

改禮賓寺直長隨 皇朝提督李承勛南征還以  
 勞遷軍資監主簿轉司憲府監察出補漣川縣監  
 招撫流散民多復業無何病免丙午赴井邑縣監  
 濟賸憚威明中以蜚語見遠庚戌赴山陰縣監初  
 豪強理冤獄治民奉公鑿鑿可觀甲寅用薦者拜  
 戶曹佐郎明年出補利川縣監剗革宿弊導疏  
 闕民大蒙惠方伯上其治特陞通政階賜書褒美  
 尋陞价川郡守明年病辭還京卒于家壽六十有  
 五其年八月庚午葬廣州石門里某坐新卜之原  
 夫人具氏祔夫人奉常寺正忤之女吏曹佐郎壽



福之孫先公幾年歿初夫人見舅姑里族婦女盛  
 集進士公素號饒財咸意饋送必錦綺珍寶竟閱  
 視惟女訓及家範一帙也眾皆歎異之夫人終身  
 遵奉無違則閨閫之內雍雍如也有二男三女男  
 長曰僕宗親府典簿曰僕戶曹佐郎善居官女長  
 適叅議洪瑞翼次適禹祗身次適正郎鄭元奭典  
 簿娶西川府院君鄭崑壽女生五男一女曰之渙  
 之湜之溥之淹之澳女適洪柱一佐郎娶奉常寺  
 正李慶祺女生一男曰之涵叅議二男五女命者  
 承旨命夏生負女適佐郎金禧掌令林堧生負朴

之恒尹緱其一未行禹祗身二男二女男崇善女  
 李汝鎮餘幼正郎一男接公資稟豪舉襟量恢疏  
 友愛兄弟出於天性伯兄家貧無資公奉之如父  
 時其溫清而衣食之日夕團會怡怡相樂平生任  
 率無外飾無經營先業之外不喜求益歷典五邑  
 所到著廉聲喜游江湖間自進士公時家畜聲伎  
 有亭號集勝勝槩為西湖第一每佳辰風月命儔  
 引賓以讌以娛樂而有儀為時所豔豈古之所謂  
 賢豪間人者也子姓繩繩其必有未艾之福歟銘

曰



故壟而違新原而即魂氣流行魄惟斯宅山川發  
祥提迺似續百世之下有欲公徵賧此玄石

觀察使姜公墓誌銘并序

公諱燦字德輝始與人始興之姜自新羅著鼻祖  
曰餘清事遠不六傳高麗時有為三韓壁上功臣  
曰弓珎其後有太尉仁憲公曰邯贊事顯宗位將  
相倡議却敵有社稷功初仁憲之生人見大星流  
入其室後宋使至見驚曰文曲星在此人益異之  
入國朝檢校漢城尹曰揚尹生非熊山陰縣監  
縣監生曦吏曹正郎正郎生叔突承文院判校用

清白褒陞堂上人號清白吏家於公為曾祖祖諱  
賚昭格署然奉贈左承旨考諱惟慶三登縣令  
贈吏曹判書判書初娶竹山安氏無嗣再娶安東  
權氏判官諱女也嘉靖丁巳正月甲戌生公性聰  
穎自幼嗜學為文詞每出其倫嘗學於金黃岡繼  
輝黃岡亟稱其才壬午兩捷司馬癸未登文科選  
補承文院權知正字嘗以假注書入侍上見公  
容儀端敏問其居左右以京城人對上曰然予  
固已識之矣俄薦入史館為檢閱又薦為注書  
上與講官論陳獻章學術出入詩文累數百言時



陳氏書始出來人多未見公於記注之際不易一字後公改官上曰近日注書惟姜某能任職他人不及也時諸新進爭尚鮮衣公被服儉素同僚或靳之公不少變一日下教責侍臣服色踰制者公獨免焉前靳公者始愧服由注書遷典牲署主簿除日入上恠問之知其以資格拘乃曰不然此人豈宜居此官者也改司憲府監察丁亥遭權夫人喪已丑制畢拜戶曹佐郎遷慶尚都事不赴還戶曹拜司諫院正言適授宗廟署令帶知製教改禮曹正郎司憲府持平鄭汝立謀逆誅朝臣

多連遠鄭彥信實對不實上怒其欺罔欲考問南彥經坐詩語議者多已甚人莫敢言公以為彥信嘗備位大臣雖有罪不宜考問彥經亦可原心擬律多所揀正及爭推官濫勲事甚力人皆躓之拜吏曹佐郎清議以公宜侍經幄再選輒為不悅者所格歷成均館典籍直講復還禮曹先是湖南諸生上疏請治送魁交厚者上疑其有所受命鞠之公秉憲與同僚執不可及時論一變因此坐罷未幾治獄大臣被讒獲罪羣小乘時大逞前憾盡逐士流斥公端川郡守公至官寬徭賦明號令首



講武藝懸賞用勸歲中皆可以即戎明年壬辰後  
寇覆京都 上西幸賊入止關列城崩潰會寧  
民叛執 王子宰臣降賊守將多不得保賊勢益  
烈公涕泣誓衆移檄道內糾合義旅進與賊戰屢  
挫其鋒賊斂避相戒曰端兵可畏亂民亦知畏戢  
時 行在隔絕人情洵洵公募死士間道白狀  
朝廷聞公之為以為顏真卿再出連擢宗簿太常  
正兼理郡事又陞通政移拜會寧府使有後 命  
不赴初 王子過端召公責以苛禮公正色曰  
君父蒙塵臣子當飲泣妾舍語未平 王子還所

悔執公手曰未見為國竭忠如公者也公自始  
變恒居外寢惟以治兵討賊為任他不問端人素  
服公至是益感激無異心公不閑跨馬每出必使  
兩卒挾鞞而臨陣對敵以身當先戰勝論功一歸  
之下以是人人樂為致死賊退勞徕勸課流民復  
業及秋大熟軍食賴饒拜江原道觀察使未至改  
承政院同副承旨以前在官治最賜帛序陞右承  
旨論者以公功大賞薄議加褒錄用事者沮之不  
果行全州缺府尹賊方據海上全為要害廟堂難  
其選 上下教曰姜某親冒鋒鏑討賊立功智計



出衆勇必過人無以易此適公病寢其命拜黃海道觀察使撒煩摘伏下不敢欺尋丁判言公憂丙申倭警復急上思公起復拜海州牧使慶尚左道觀察使黃海道節度使兵曹參議咸鏡南道節度使前後七下召命辭旨愈懇必欲起公而公力辭終喪服闋復授黃海節度使隨天狩麻提督往嶺南還以本路兵侍衛王妃世子駐遂安州縣所在匱竭不能給從官公於營中先有儲備以能無乏明年領兵再出嶺南還病免用薦拜江界府使進階嘉言慕公者論寢之除海州牧使云

盡月去官百姓追思之公本羸弱居喪已毀病益甚既還里絕仕宦意庚子拜兵曹參議會國有內喪強起赴朝丐閑西樞復為承旨兵曹又改吏曹關節不到門庭如水移疾罕赴政席喜飲酒飲少輒醉對賓客作吟讌語若忘世事者而論議之際壁立不倚清仕塗抑僥倖黜貪利附勢無廉恥者數輩輿論快之儕友有薦銓部者其人頗有時譽同僚皆可公獨否曰得志後必如此果驗公平生鄙奇自獻為人力詆不可用及自獻官路凡可以中傷者無遺計上雅賢公計不得售出為驪



州牧使數月棄官寓延安村舍以疾終癸卯六月初九日也春秋四十七 上遣官吊祭賻如儀用公宣武後勲 贈嘉善大夫吏曹參判兼同知經筵義禁府春秋館成均館事弘文館提學世子左副賓客其年八月壬寅後葬於川縣南鷺房里首向之原夫人金氏附公居家篤於孝友伯兄有終身疾朝夕省視如事親經營醫藥皆自其躬分已僕與甥姪之無僕者濟人之急甚於已無宅僦屋以居冬月卧敗簣或不能舉火晏如也公在鎔曹 上命選廉謹公名在其中公曰如此當自効

去同僚不得已遂止常戒家人曰吾忝祿位必不至餓死分外營生徒為不知命爾公退屏絕人事端嘿靜坐見者灑然易慮及與人接傾懷輸寫終日衍衍而未嘗聞其有俗言也遭 國亂孤軍抗敵奮不顧身私屬間避亂計公曰吾已許一死耳自是不敢復言公少好粟谷牛溪之學傾心慕之從宋龜峯翼弼聞為已之方趨向既正浸灌有素蓋其狷潔之行雖出於天性操履之功得之師友者為多云夫人光山茂族僉知殷輝之女左議政國光之後賢有婦道先公一年生卒於甲申生



二男一女長遠期蚤歿次碩期禮曹判書文適沈  
馬韓信及側室一女適生負金伯生遠期娶進士  
李滄女無子以判書子文明為後判書娶大司憲  
申湜女生五男三女長文星縣監次文明進士次  
文斗文璧文并女長適生負鄭泰齊次即 王世  
子嬪餘未字韓信及一男天金伯生三男三女銘

曰  
文曲降精麗運再興厥緒遙遙佳胄乃承蜚英邁  
列屈跡邊城邊寇報 王忠比真卿遂隆天眷施  
節斯煌疏乎淖濁玉雪兩元道之或消君子何傷

賜羸後人乃蕃乃昌始真之原厥位允臧列銘幽  
壙萬禩攸康


沙溪先生金公墓誌銘并序

崇禎辛未八月某甲沙溪金先生卒于連山之居  
第計聞 上命有司奉常典 王世子輟講遣宮  
寮致祭有官者相吊於朝士朝士於野皆曰師友  
講學之道不可復見矣越三月某甲寔于鎮岑縣  
北新卜負亥之原門人經而出者填道遠近會葬  
者至不可數已即先生舊居之傍建祠而俎豆之  
學者謂之沙溪書院先生諱長生字希元司憲府



大司憲 贈吏曹判書諱繼輝之嫡子也 大父鎬  
 知禮縣監 贈議政府左贊成曾大父宗胤 珎山  
 郡守 贈兵曹參議其先有新羅王子興光出居  
 光州子孫蕃昌連八代平章事自高麗至我朝世  
 有大官判書公歷事 明 宣兩朝文章直道號  
 為名臣墓在連山簡易崔主銘其碑官世行治備  
 述焉其夫人曰平山申氏議政府右參贊夷簡公  
 瑛之女嘉靖戊申七月生先生生十一歲喪母鞠  
 於大父自幼性行純篤心無外慕勤止自矩及長  
 師事宋龜巽與又事果谷李文成公絕意刀令

委身於學勤勵鄉達文成甚重之在諸生中期待  
 特深萬曆戊寅先生年三十一朝廷求訪學問為  
 行之士用薦授 昌陵參奉從判書公朝 京改  
 敦寧府參奉壬午丁外憂服闋拜 順陵參奉又  
 舉才行卓異陞平市署奉事屢拜活人司圖兩署  
 別提司養院奉事皆病辭拜童蒙教官轉通禮院  
 引儀出為定山縣監誠信寬惠得吏民心及壬辰  
 之亂策應軍務振郵窮困公私無濟方伯具聞其  
 狀秩滿陞戶曹正郎監餉湖南還坐事罷僑居海  
 西時寇亂未息士皆廢業先生日與子弟諸生講





論不輟已授丹陽郡守軍資監僉正戶曹正郎楊  
根郡守 世子翊衛司翊衛俱不拜又除軍資僉  
正安城郡守蜀俛就官撫摩凋瘵流亡復業以技  
正周易召拜宗親府典簿病辭還里已拜益山郡  
守三歲免歸久之擢淮陽府使移錢原光海癸丑  
朴應犀誣告獄起先生庶弟二人見逮考死奸黨  
竟戮尸將行緣坐以及於先生闔門惴惴或謀所  
以紓禍者先生亮然謂曰死生命也終不聽適用  
議者事得寢先生杜門鄉廬不交外人惟靜坐佔  
畢竟暮 今上及正首除司憲府掌令 下教曰

予熟聞金某名常願一見其壘召來先生上疏  
陳老病乞辭再 下温諭徵以安車不得已力疾  
赴 命未至 御札促召先生入京又辭不許先  
生先以書遺請 社諸勲臣勉以謹終始善輔導  
革宿弊慎刑辟恢公道戒私昵崇廉恥躬儉約遂  
以徹 宸覽 上愈益嚮之無何 親享私廟禮  
官儒臣皆謂 主上以親孫繼祖於本生無兩考  
之嫌祝辭宜稱子大臣亦以為然先生獨曰禮為  
人後者為之子雖兄繼弟叔父繼姪皆有父子之  
道今 主上入繼大統承 宣祖之後當依程子



說稱叔姪上疏言之後入侍 上虚心傾好先生  
概申疏意且自以重聽難於前對先具一劄取懷  
中以進陳帝王學問之道聖賢治心之法有云克  
私猶恐不猛擴善猶恐不廣 上稱善因曰前見  
疏辭甚好既已議定不得從之是時 上尚未徧  
入曲說故其優禮如此適為司宰監僉正已拜成  
均司業前所未置朔設以待先生先生以事出非  
常力辭不許仍 命輔養 元子先生又辭不獲  
進講之際隨事規箴 元子深致敬焉無何以老  
告歸屢請始許往還及抵家條上民瘼 下諭從

之先生不進復上疏言誠心謹獨之說甲子李道  
叔 上幸公州先生道謁賊平有 教隨 駕還  
京授尚衣院正擢司憲府執義未久復歸連山上  
萬言書立大本盡聖孝親九族體羣臣等十三條  
上褒納特授工曹參議先生上疏辭 恩且言憲  
府禁治為奴政院封還傳旨皆奉法守職不宜摧  
說借曰奉承 慈教實由私意未祛害政滋多  
上優答 命召之先生入謝筵臣有建請許赴  
經筵進講 元子勿以官階為拘皆可之明年冊  
立 世子進拜同知中樞府事尋乞暇上塚臨行



上疏請奮發大志益進聖學絕偏係戒優游兼陳  
用人接下納諫敬賢博訪精擇之道言益懇切明  
年上遭啓運宮喪先生上京進慰即歸政院請  
留報未下而先生已行矣初服制未定廷議紛紜  
上宥為齊衰杖期先生上言於古禮無據報聞先  
是有朴知識者上疏宜倣母后儀羣臣從服又倡  
為禰廟之論其徒受指相繼投匭專主追崇與李  
貢崔鳴吉合雜引枝辭以動上意先生以為此  
古今變禮一有差誤貽譏後世乃參互經傳反覆  
論辯或流或言累千百言大抵以承繼大統為重

清江先生集卷之三十三

三十一

崇禎初就為非由是上寢不悅異論者亦多詆  
訾而先生終無少變丁卯西虜深入上移蹕江  
都以先生為號召使先生聞命扶病出境糾合  
同志招兵聚糧湊給行在身隨東宮往全州  
說言賊漸逼遽議移避人心大震先生力主輕動  
非計入見世子言之乃定無何詣江都起居  
上引見勞問先生請解職歸鄉里上慰勉許歸  
不聽辭先生仍陳斥和者被譴恐後無言者明年  
拜刑曹參判辭不就會上御經筵曰金長生張  
顯光皆宿德之人不肯久留何以則可致大臣有

清江先生集卷之三十三

三十一



請加殊禮即下 召旨安車即路先生上疏固辭  
御批丁寧廢予備至先生終不起於是先生年八  
十三以大耄優 恩進階嘉義大夫至明年秋湯嘗  
先生素強無疾病前數月偶患風濕少損猶不廢  
講學臨終神氣不亂脩然而逝先生天資醇恭仁  
厚自然近道蚤得師門直尋正路不驚高遠不驚  
少成進學工程一以程朱為法非聖賢之書不見  
於夜孜孜殆忘寢食一切世味紛華泊然無所好  
堅持力行篤信自守晚年造詣益深考其日用言  
行純而於之心身之間純如也尤邃於禮學其儀

箋註醇癡異同無不攷證會通變禮難處必附經  
義折衷一時叩質者皆歸焉教人為學先立本體  
隨其才品多所成就兩湖學子循循謹飭者見之  
人知其為先生門下常謂吾東方理學倡於鄭圃  
隱我朝金寒暄繼其墜緒而猶未暢至趙文正李  
文純其功大矣而明白純粹洞澈無滓真知實踐  
得其宗旨無如栗谷文成公云一家之內孝友敦  
睦未嘗有不可法者栗谷之喪制服以居忌日齋  
素視其子如子於龜峯亦然為鄭松江澈力辨誣  
巖不為一身利害計對人溫溫不見圭角至於論



事是非分別淑慝嚴辭正色確然不可動占官不  
求聲譽去後民自不忘所著經書辨疑八卷疑禮  
問解八卷近思錄釋疑一卷家禮集覽三卷書疏  
雜錄若干卷箴于家喪禮備要一卷刊行於世夫  
人昌寧曹氏愈知中樞府事大乾之女判敦寧府  
事贈領議政光遠之孫甚有婦德年三十六萬曆  
丙戌卒葬舅姑垤次玄軒申公欽為壙銘崇禎壬  
申遷祔先生墓生三男三女長際蚤歿次集都事  
飭躬砥行能守庭訓次祭典翰女適監察徐景濤  
次天次邦守韓德及側室有男六女二人曰榮生

貞曰榮杲榮槩榮斐女適李栢李名鎮都事無子側  
出益洞益煉生貞女適生貞金泰立鄭廣源典翰  
六男 女曰益烈監役益熙檢閱益兼餘幼女適  
郡守李瀉次郡守李厚源進士張次周李海寬適  
慎暉成壽者徐出也進士壽遠智遠適李汝洪金  
敏成李時挺者韓出也榮四男一女榮二男杲一  
男二女槩二男一女內外曾孫若干人銘曰  
猗歟先生學傳栗翁秉資醇深勤以有功雅言執  
禮確乎始終欽于士林振我儒風岑城之野畢如  
幽宮我銘不愧惟郭林宗



柳君晦甫墓誌銘并序

柳君諱燦字晦甫萬曆丙辰歲鮮葬桂陽之某山  
先人墓次越八年癸亥國家反正誅奸雪誣於  
是贈君司憲府持平未幾以其子原從功加  
贈嘉善大夫吏曹叅判兼同知義禁府事又幾年  
某歲某月改卜忠州某里某山某向之原與貞夫  
人崔氏合葬焉夫人之父曰觀察使沂高麗文獻  
公冲之後觀察當光海時為海州牧使是時李爾  
瞻與朴承宗等交惡欲專大柄導昏主將廢母  
后連起獄百計上浸適州人朴希一朴以彬等

得罪不容亡入京城爾瞻聞之與其黨韓續男許  
筠謀作上變書盡置所欲去者其中引希一等密  
語為約希一等受指歸家未及發其父兄知之舉  
前惡詣府請罪處以大義爾瞻等遣其徒協監司  
上其事諷言路反為逆徒地淫刑殺之覆其家衆  
庶稱寃續男以刑房承旨掌獄名請逮君君在獄  
筠欲証成之潛以書誅如此轉禍為福君素剛既  
深嫉奸人所為重哀崔公寃死冀光海萬有一悟  
遂盡暴其狀奸黨大愕固請考問備受楚毒竟死  
獄中臨死神氣不亂遺書其子勉以為善毋怠虜



家事甚悉解衣與同繫趙直士謾為別言論慷慨  
如常日見者莫不哀傷初韓績男為其子請婚君  
嘻笑曰吾女與某子為婦耶績男聞之甚銜禍果  
替君為人秀整風岸孤峭耿介過人鼻祖車達高  
麗壁上功臣文化人其後有徙居晉陽者遂為晉  
陽人六世祖順汀以靖國功臣至領議政封菁川  
府院君祖諱浚軍資監正考諱重光司憲府監察  
贈左承旨娶典籤丁胤祚女資成應斗之孫丁丑  
某月某甲生君生有孝性六歲喪母哭泣甚哀壬  
辰之亂從大父于清風任所夢承旨公為賊所害

即悲泣却肉不食夜則焚香禱天及喪哀痛絕而  
復甦已請于大父從軍復讐大父心異之愍其幼  
弱不許與兄妹友愛於財無所恡一順其意自奉  
簡儉為人甚於為己與人許交堅持一心言出於  
口後雖不利己不悔泮宮壁書之獄被繫者親故  
不敢問權鞞中詩禍死林檎遭誣告入獄人皆避  
之君獨省視加厚人以此多之少習舉子業屢舉  
不遂見世道日變不樂進取等室鄉曲與鄰好劇  
飲縱譁以自適或勸之仕曰吾守先人遺業終於  
此足矣安能詘辱於權貴人哉君再娶前夫人崔



氏生一男一女男時英高靈縣監女適士人李碩  
平後夫人俞氏杞溪望族生一男時發未娶而夭  
側室一男時蕃高靈二男二女萬全百全女適安  
廷爨餘幼崔夫人誠孝婉孌通經史識大義為子  
為婦咸得其道俞夫人亦和順慈愛閨壺之內藹  
如也人謂高靈之善事繼母夫人之視同已出皆  
可為令範云嗚呼君平生好名義勇於為人遭時  
不淑禍及其身哀哉銘曰  
志剛而氣銳言直而行方謂必逢其臧而反迎其  
殃運極理復天道之常嗟躬已矣後嗣之昌



